



UNIVERSITÄTS-
BIBLIOTHEK
PADERBORN

Collegium Universi Juris Canonici

Engel, Ludwig
Salisburgi, 1693

Privilegium Cæsareum Tertium. Anno 1686. die 22. April.

[urn:nbn:de:hbz:466:1-61596](https://nbn-resolving.org/urn:nbn:de:hbz:466:1-61596)

PRIVILEGIUM CÆSAREUM TERTIUM.

ANNO 1686. die 22. April.



LEOPOLDUS Divina favente clementia Electus Romanorum Imperator
semper Augustus, ac Germaniæ, Hungariæ, Bohemiæ, Dalmatiæ, Croatiae,
Sclavoniæ, &c. Rex, Archi. Dux Austria, Dux Burgundiæ, Styriæ, Carinthiæ,
Carniolæ & Württembergæ, Comes Tyrolis, &c. Agnosceimus & notum faci-
mus tenore præsentium universis: quod cum Nobis Noster, & Imperii Sacri
fidelis dilectus Ioannes Baptista Mayr Aulico-Academicus Bibliopola & Typo-
graphus Salisburgensis humillimè exposuerit, à Nobis se anno adhuc superiore
millesimo sexcentesimo octuagesimo, vigesima septima Martii Privilegii Typo-
graphici extensionem super P. LUDOVICI ENGEL, Ord. S. Bened. I. U. Doctoris & in Universitate
Salisburgensi SS. Canonum Professoris COLLEGIO UNIVERSI IURIS CANONICI ad sexen-
nium obtinuisse, eo autem nunc proximè terminando ob temporum injuriam fructu laboris & im-
pendii inde sperato frustratum esse: Ideoque Nobis demisse supplicavit, quatenus indemnitati suæ
nova suprad. Privilegii Nostri Cæsarei extensione clementer consulere dignaremur: Nos id genus
precibus uti æquitati consentaneis, benignè annuerimus, prout per præsentès annuimus: Mandan-
tes omnibus & singulis Typographis, Bibliopolis, Bibliopegis aliisque quibuscunque rem & nego-
tiationem librariam quovismodo exercentibus discretè atque seriò sub multa quinque marcarum
auri inhibentes, ne quisquam eorum præfatum Opus per aliud sexennium à mense Martio anni
octuagesimi septimi computandum intra Sacri Romani Imperii Regnorum ac Provinciarum Nostra-
rum hereditariarum fines, simili aut alio quovis typo vel formâ sive in toto, sive in parte recedere, aut
alii recedendum dare, vel etiam alibi impressum vendere vel distrahere clam vel palam citra volunta-
tem & absque ipsius Ioannis Baptista Mayr, ejusque hæredes, sive propria autoritate, sive Magistratus
auxilio sibi vindicare poterunt) de facto privandum, sed & sub præfata pœna ex semisse fisco seu
æratio Nostro Imperiali inferenda, ex altero verò semisse injuriam passis pendenda, omni spe veniæ
sublata, multandum decernimus. Mandamus ergò universis Nostri & Sacri Imperii Regnorum-
que Dominiorum Nostrorum hereditariorum subditis cujuscunque status, gradus, dignitatis, or-
dinis, aut præminentie fuerint, tam Ecclesiasticis, quàm Sæcularibus, præsertim verò iis, qui in
Magistratu constituti, vel proprio vel superiorum suorum nomine & loco juris & justitiæ admini-
strationem exercent, nequemquam Privilegium hoc nostrum Cæsareum temere & impune transgre-
di aut violare patiantur, quin potius contumaces quos compererint præscripta pœna plesti, aliis-
que modis idoneis coerceri curent, quatenus & ipsi eandem multam pendere maluerint. Harum
testimonio literarum manum Nostram subscriptarum & sigilli Nostri Cæsarei appensione munitarum.
Quæ stabantur in Civitate Nostra Vienna die vigesima secunda mensis Aprilis Anno Domini mille-
simo sexcentesimo octuagesimo sexto, Regnorum Nostrorum Romani vigesimo octavo, Hunga-
rici trigésimo primo, Bohemici verò trigésimo.

LEOPOLDUS.

(L. S.)

V. Leopoldus Guilielmus
Comes in Kinigsegg.

Ad Mandatum Sacræ Cæsareæ
Majestatis Proprium

Caspar Florentius Consbruch.